

"মিষ্টি বাচ্চারা - এই শরীরের মূল্য তখনই, যখন এর মধ্যে আত্মা প্রবেশ করে, কিন্তু সাজসজ্জা করে শরীরের, আত্মার করে না"

প্রশ্ন:- বাচ্চারা তোমাদের দায়িত্ব কি? তোমাদের কোন্ সেবা করতে হবে?

*উত্তর:- তোমাদের দায়িত্ব হলো - আমাদের আত্মা ভাইদের নর থেকে নারায়ণ, নারী থেকে লক্ষ্মী বানানোর যুক্তি বলে দেওয়া। তোমাদের এখন ভারতের প্রকৃত আত্মিক সেবা করতে হবে। তোমরা জ্ঞানের তৃতীয় নয়ন পেয়েছো, তাই তোমাদের বুদ্ধি এবং আচার আচরণ খুব শুদ্ধ হওয়ার প্রয়োজন। কারোর প্রতি সামান্যতম মোহ যেন না থাকে।

গীত:- নয়ন হীন কে পথ দেখাও

ওম্ শান্তি। ডবল শান্তি। বাচ্চারা, তোমাদেরও উত্তর দেওয়া উচিত - ওম্ শান্তি। আমাদের স্বধর্ম হলো শান্তি। তোমরা এখন শান্তির জন্য কোথাও যাবেই না। মানুষ তো মনের শান্তির জন্য সাধু - সন্তদের কাছেও যায়, তাই না। এখন মন - বুদ্ধি তো হলো আত্মার অঙ্গ। শরীরের যেমন অঙ্গপ্রত্যঙ্গ আছে, তেমনই মন - বুদ্ধি এবং চক্ষু। এখন এই যে চক্ষু আছে, ও তা নয়। বলা হয় - হে প্রভু, নয়নহীনকে পথ দেখাও। এখন প্রভু বা ঈশ্বর বলাতে বাবার প্রেমের কথা মনে আসে না। বাবার থেকে তো বাচ্চারা অবিনাশী উত্তরাধিকার পায়। এখানে তো তোমরা বাবার সামনে বসে আছো। তোমরা এই পড়াও পড়ো। তোমাদের কে পড়ায়? তোমরা এমন বলবে না যে, পরমাত্মা বা প্রভু আমাদের পড়ায়। তোমরা বলবে আমাদের শিববাবা পড়ান। বাবা অক্ষর তো খুবই সাধারণ। ইনি হলেনই বাপদাদা। আত্মাকে আত্মাই বলা হয়, তেমনই তিনি হলেন পরমাত্মা। তিনি বলেন, আমি পরম আত্মা অর্থাৎ পরমাত্মা, তোমাদের বাবা। এরপর এই নাটকের নিয়ম অনুসারে আমি পরম আত্মার নাম রাখা হয়েছে শিব। ড্রামাতে তো সকলেরই নাম চাই, তাই না। শিবের মন্দিরও তো আছে। ভক্তি মার্গের লোকেরা তো একের পর এক অনেক নাম রেখে দিয়েছে। এরপর অনেক - অনেক মন্দির বানাতে থাকে। জিনিস তো একই। সোমনাথের মন্দির কতো বড়, কতো সাজায়। মহল ইত্যাদিও কতো সাজিয়ে রাখে। আত্মার তো কোনো সজ্জা নেই, তেমন পরম আত্মারও কোনো সজ্জা নেই। তিনি তো হলেন বিন্দু। বাকি যে সব সজ্জা, সবই শরীরের। বাবা বলেন যে - না আমার সজ্জা আছে, আর না আত্মার সজ্জা আছে। আত্মা হলোই বিন্দু। এতো ছোটো বিন্দু তো কোনো অভিনয় করতে পারে না। ওই ছোটো আত্মা যখন শরীরে প্রবেশ করে, তখন সেই শরীরের কতো ধরনের সজ্জা হয়। মানুষের কতো নাম। রাজা - রানীদের কতো সাজসজ্জা হয়, আত্মা তো অতি সাধারণ বিন্দু। বাচ্চারা, এখন তোমরা এও বুঝেছো। আত্মাই এই জ্ঞান ধারণ করে। বাবা বলেন যে, আমার মধ্যেও তো জ্ঞান আছে, তাই না। শরীরে তো জ্ঞান থাকেই না। আমি আত্মার মধ্যে জ্ঞান আছে, আমাকে এই শরীর নিতে হয় তোমাদের সেই জ্ঞান শোনানোর জন্য। শরীর ছাড়া তো তোমরা শুনতে পারো না। এখন এই গান বানানো হয়েছে ---- নয়নহীনকে পথ বলে দাও ---- শরীরকে পথ বলতে হবে কি? তা নয়। আত্মাকে বলতে হবে। আত্মাই ডাকতে থাকে। শরীরের তো দুই নেত্র আছে। তিন তো হতে পারে না। তৃতীয় নয়নের জন্য এই ললাটে তিলকও দেওয়া হয়। কেউ বিন্দুর মতো দেয়, কেউ আবার গণ্ডির মতো দেয়। বিন্দু তো হলো আত্মা। বাকি জ্ঞানের তৃতীয় নয়ন পাওয়া যায়। প্রথমে আত্মার এই জ্ঞানের তৃতীয় নয়ন ছিলো না। কোনো মানুষ মাত্রেরই এই জ্ঞান নেই, তাই জ্ঞান নেত্রহীন বলা হয়। বাকি এই চোখ তো সকলেরই আছে। সম্পূর্ণ দুনিয়ায় কারোরই এই তৃতীয় নেত্র নেই। তোমরা হলে সর্বোত্তম ব্রাহ্মণ কুলের। তোমরা জানো যে, ভক্তি মার্গ আর জ্ঞান মার্গের কতো তফাৎ। তোমরা এই রচয়িতা আর রচনার আদি - মধ্য এবং অন্তকে জেনে চক্রবর্তী রাজা হও। আই.সি.এস রাও তো কতো উঁচু পদ পায়, কিন্তু এখানে কেউই এই পড়াতে এম.পি ইত্যাদি হয় না। এখানে তো ভোট হয়, সেই ভোটে এম.পি আদি হয়। এখন তোমরা আত্মারা বাবার শ্রীমত পাও। আর কেউই এমন বলবে না যে, আমি আত্মাদের মত দিই। ওরা তো সব হলো দেহ - অভিমানী। বাবা এসেই দেহী অভিমানী হতে শেখায়। সকলেই হলো দেহ অভিমানী। বাবা এসেই দেহী অভিমানী হতে শেখান। সকলেই দেহ অভিমানী। মানুষ শরীরের প্রতি কতো অহংকারী হয়। এখানে তো বাবা আত্মাদেরই দেখেন। শরীর তো বিনাশী, এক পয়সারও মূল্য নেই। পশুদের তো তবুও ছাল ইত্যাদি বিক্রি করা হয়। মানুষের শরীর তো কোনো কাজেই আসে না। এখন বাবা এসে একে পাউন্ড তুল্য মূল্যের করেন।

বাচ্চারা, তোমরা জানো যে, এখন আমরা সেই দেবতা তৈরী হচ্ছে, তাই এই নেশা চড়ে থাকা উচিত, কিন্তু এই নেশাও

পুরুষার্থের নম্বর অনুযায়ী থাকে । ধনেরও তো নেশা থাকে, তাই না । বাচ্চারা, এখন তোমরা অনেক ধনবান হও । এখন তোমাদের অনেক উপার্জন হচ্ছে । তোমাদের মহিমাও অনেক প্রকারের হয় । তোমরা ফুলের বাগান তৈরী করো । সত্যযুগকে বলা হয় ফুলের বাগান । এর চারা কখন লাগে এও কেউ জানে না । বাবা তোমাদের বুঝিয়ে বলেন । মানুষ ডাকেও - হে ভগবান এসো । তাঁকে মালী বলা হবে না । তোমরা বাচ্চারা হলে মালী, যারা সেন্টার সামালাও । মালী অনেক প্রকারের হয় । আর বাগানের মালিক একজনই হয় । মুঘল গার্ডেনের মালী তো অনেক উপার্জন করে, তাই না । সে বাগান এমন সুন্দর বানায় যে, সবাই দেখতে আসে । মুঘলরা খুব শৌখিন ছিল, শাহজাহানের ত্রীর মৃত্যুর পর তার স্মৃতিতে তাজমহল বানানো হয়েছিলো । সেই থেকেই তার নাম চলে আসছে । তারা কতো ভালো ভালো স্মরণীয় জিনিস বানিয়েছে । তাই বাবা বুঝিয়ে বলেন, মানুষের কতো মহিমা হয় । মানুষ তো মানুষই । লড়াইয়ে কতো মানুষ মারা যায়, তারপর কি করে । কেরোসিন, পেট্রোল দিয়ে পুড়িয়ে দেয় । কেউ তো এমনিতেই পড়ে থাকে । সংকার করেই না । কোনো মানই থাকে না তখন । তাই বাচ্চারা, এখন তোমাদের কতো নারায়ণী নেশা চড়া উচিত । এ হলো বিশ্বের মালিক হওয়ার নেশা । সত্য নারায়ণের কথা যখন, তখন অবশ্যই নারায়ণই হবে । আত্মা জ্ঞানের তৃতীয় নয়ন পায় । এই দাতা হলেন বাবা । তিজরীর কথাও আছে । এই সবার অর্থও বাবা বসে বুঝিয়ে বলেন । যারা কথক, তারা তো কিছুই জানে না । বাবা অমরকথাও শোনান । এখন মানুষ কতো দূরে অমরনাথ দর্শনে যায় । বাবা তো এখানেই এসে শোনান । উপরে তো শোনান না । ওখানে তো তিনি বসে পার্বতীকে অমরকথা শোনানই নি । এই কথা ইত্যাদি যা বানানো হয়েছে, এ সবই এই ড্রামাতে লিপিবদ্ধ আছে । এ আবারও হবে । বাচ্চারা, বাবা বসে তোমাদের ভক্তি আর জ্ঞানের বৈপরীত্য বুঝিয়ে বলেন । এখন তোমরা জ্ঞানের তৃতীয় নেত্র পেয়েছো । এমন তো বলে - হে প্রভু, অন্ধকে পথ বলে দাও । ভক্তিমার্গে মানুষ ডাকতে থাকে । বাবা এসে তৃতীয় নেত্র প্রদান করেন, যা তোমরা ছাড়া আর কেউই জানে না । কারোর চোখ খুব সুন্দর হয়, তাতে পুরস্কারও পায় মিস ইন্ডিয়ার বা মিস অমুক । বাচ্চারা, বাবা তোমাদের এখন কি থেকে কি বানাচ্ছেন । ওখানে তো দেবী দেবতাদের স্বাভাবিক সৌন্দর্য থাকে । কৃষ্ণের এতো মহিমা কেন ? কেননা তিনি সবথেকে সুন্দর তৈরী হন । তিনি এক নম্বরে কর্মভীত অবস্থা পান, তাই এক নম্বরে তাঁর মহিমা আছে । এও বাবা বসেই বুঝিয়ে বলেন । বাবা বারবার বলেন ----বাচ্চারা, মন্মনাভব । হে আত্মারা, নিজের বাবাকে স্মরণ করো । বাচ্চাদের মধ্যেও তো নম্বরের ক্রমানুসার তো আছেই, তাই না । লৌকিক বাবারও যদি পাঁচ বাচ্চা থাকে, তাদের মধ্যেও যে খুব বুদ্ধিমান, তাকে এক নম্বরে রাখবে । মালার দানা তো হলো, তাই না । বলা হবে, এ দ্বিতীয় নম্বর আর এ তৃতীয় নম্বর । একরকম কখনো হয় না । বাবার ভালোবাসাও নম্বর অনুসারেই হয় । ও হলো জাগতিক কথা । আর এ হলো অসীম জগতের কথা ।

যেই বাচ্চারা জ্ঞানের তৃতীয় নয়ন পেয়েছে, তাদের বুদ্ধি আর চলন আদি খুবই শুদ্ধ হয় । এক হয় ফুলের রাজা, তাই এই ব্রহ্মা আর সরস্বতী ফুলের রাজা - রানী । এঁরা জ্ঞান আর যোগ এই দুইয়েই তীক্ষ্ণ । তোমরা জানো যে, আমরা দেবতা হই । মুখ্য আট রত্ন তৈরী হয় । প্রথম প্রথম হলো ফুল । তারপর যুগল দানা ব্রহ্মা আর সরস্বতী । মালা জপ তো করে, তাই না । বাস্তবে তোমাদের পূজা হয় না, স্মরণ হয় । তোমাদের ফুল দেওয়া হয় না । ফুল তখনই দেওয়া হবে, যখন শরীর পবিত্র হবে । এখানে কারোর শরীরই পবিত্র নেই । সকলেরই জন্ম বিষের দ্বারা হয়, তাই তাদের বিকারী বলা হয় । এই লক্ষ্মী - নারায়ণকেই বলা হয় সম্পূর্ণ নির্বিকারী । বাচ্চার তো জন্ম হবে, তাই না । এমন তো নয় যে কোনো টিউব থেকে বাচ্চার জন্ম হয়ে যাবে । এও সব বোঝার মতো কথা । বাচ্চারা, তোমাদের এখানে সাতদিনের ভাঙিতে বসানো হয় । ভাঙিতে কোনো ইট তো সম্পূর্ণ পুড়ে যায়, কোনটা আবার কাঁচা থেকে যায় । ভাঙির উদাহরণ দেওয়া হয় । এখন ইটের এই ভাঙির উদাহরণ শাস্ত্রে তো বর্ণনা হতেই পারে না । এরপরে এখানে আবার বিড়ালের কথা । গোলাপকাবলীর কাহিনীতেও বিড়ালের কথা বলা হয়েছে । ওখানে দীপকে নিভিয়ে দিতো । তোমাদেরও তো তেমনই অবস্থা হয়, তাই না । মায়া বিড়াল বিঘ্ন এনে উপস্থিত করে । তোমাদের অবস্থাই নামিয়ে দেয় । দেহ বোধ হলো এক নম্বর বিকার, তারপর অন্য অনেক বিকার আসে । মোহও অনেক হয় । বাচ্চারা বলবে, আমি ভারতকে স্বর্গ বানানোর এই আত্মিক সেবা করবো, আর মোহের বশে মা - বাবা বলবেন -- আমরা অনুমতি দেবো না । এও কতখানি মোহ । তোমরা মায়ার বিড়াল হয়ে না । তোমাদের এইম অবজেক্ট হলো এই । বাবা এসে আমাদের মানুষ থেকে দেবতা, নর থেকে নারায়ণ বানান । তোমাদেরও দায়িত্ব হলো অন্য আত্মাদের সেবা করা, ভারতের সার্ভিস করা । তোমরা জানো যে, আমরা কি ছিলাম, এখন কি হয়েছে । এখন আবার রাজার রাজা হওয়ার জন্য পুরুষার্থ করো । তোমরা জানো যে, আমরা নিজেদের রাজ্য স্থাপন করছি । এ কোনো সমস্যার কথা নয় । বিনাশের জন্যও ড্রামাতে যুক্তি রচনা করা হয়েছে । এর পূর্বেও মুশল বা মিশাইলের দ্বারা লড়াই হয়েছিলো । তোমরা যখন সম্পূর্ণ তৈরী হয়ে যাবে, সবাই ফুলে পরিণত হয়ে যাবে, তখনই বিনাশ হবে । কেউ হলো ফুলের রাজা, কেউ গোলাপ, কেউ আবার বেলি । প্রত্যেকেই নিজেকে খুব ভালোভাবে বুঝতে পারে যে আমরা আকন্দ ফুল, নাকি অন্য ফুল ? অনেকেই আছে, যাদের জ্ঞানের কিছুই ধারণা হয় না । নম্বরের ক্রমানুসার তো হবে, তাই না । নয়

একদম উপরে, না হয় সম্পূর্ণ নীচে । রাজধানী এখানেই স্থাপন হয় । শাস্ত্রে তো দেখানো হয়েছে যে, পাণ্ডবরা গলে মারা গিয়েছিলো, তারপর কি হয়েছিলো কিছুই জানা নেই । কথা তো অনেকই বানানো হয়েছে, এমন কোনো কথা নেই । বাম্ভারা, এখন তোমরা কতো স্বচ্ছ বুদ্ধির হও । বাবা তোমাদের অনেকপ্রকারে বোঝাতে থাকেন । এ কতো সহজ । কেবল বাবাকে আর অবিদ্যার উত্তরাধিকারকে স্মরণ করতে হবে । বাবা বলেন যে, আমিই হলম পতিত পাবন । তোমাদের আত্মা আর শরীর দুইই পতিত । এখন তোমাদের পবিত্র হতে হবে । আত্মা পবিত্র হলে শরীরও পবিত্র হয় । তোমাদের এখন অনেক পরিশ্রম করতে হবে । বাবা বলেন যে -- বাম্ভারা অনেক দুর্বল । তারা স্মরণ করতে ভুলে যায় । বাবা নিজেই তাঁর অনুভব বলেন । খাবার সময় স্মরণ করি ---- শিববাবা আমাদের খাওয়ান, আবারও ভুলে যাই ।

আবার স্মৃতিতে ফিরে আসে । তোমাদের মধ্যে এও হয় পুরুষার্থের নম্বর অনুসারে । কেউ তো বন্ধনমুক্ত হওয়া সত্ত্বেও আবার ফেঁসে যায় । ধর্মেরও বাম্ভা বানিয়ে দেয় । এখন বাম্ভারা, তোমরা জ্ঞানের তৃতীয় নেত্র দানকারী বাবাকে পেয়েছো -- একে নাম দেওয়া হয়েছে তিজরীর কথা অর্থাৎ তৃতীয় নয়ন পাওয়ার কথা । এখন তোমরা নাস্তিক থেকে আস্তিক হও । বাম্ভারা জানে যে, বাবা হলো বিন্দু । তিনি হলেন জ্ঞানের সাগর । ওরা তো বলে দেয় নাম - রূপ থেকে পৃথক । আরে, জ্ঞানের সাগর তো অবশ্যই জ্ঞান শোনাবেন, তাই না । এর রূপও লিঙ্গ দেখানো হয়েছে, তাহলে নাম - রূপ থেকে পৃথক কিভাবে বলা ! বাবার কোটি কোটি নাম রেখে দিয়েছে । এই জ্ঞান বাম্ভাদের বুদ্ধিতে খুব ভালোভাবে থাকা উচিত । এমন বলাও হয় যে, পরমাত্মা হলেন জ্ঞানের সাগর । সম্পূর্ণ জঙ্গল যদি কলম বানাও তাও এই জ্ঞানের অন্ত হতে পারে না । আচ্ছা ।

মিষ্টি - মিষ্টি হারানিধি বাম্ভাদের প্রতি মাতা - পিতা, বাপদাদার স্মরণের স্নেহ - সুমন আর সুপ্রভাত । আত্মাদের পিতা ঔঁনার আত্মারূপী বাম্ভাদেরকে জানাচ্ছেন নমস্কার ।

ধারণার জন্যে মুখ্য সার:-

১) আমরা এখন বাবার কাছে পাউন্ড তুল্য মূলবান তৈরী হচ্ছে, আমরাই সেই দেবতা তৈরী হবো, এই নারায়ণী নেশায় থাকতে হবে । বন্ধনমুক্ত হয়ে সেবা করতে হবে । বন্ধনে ফেঁসে যেও না ।

২) জ্ঞান এবং যোগে তীক্ষ্ণ হয়ে মাতা - পিতা সম ফুলের রাজা তৈরী হতে হবে আর নিজের আত্মা ভাইদেরও সেবা করতে হবে ।

বরদান:- কেন বা কি - এই প্রশ্নের জাল থেকে সদা মুক্ত থেকে বিশ্ব সেবাধারী চক্রবর্তী ভব* স্বদর্শন চক্র যখন সঠিক দিকে চলার পরিবর্তে ভুল দিকে চালিত হয়, তখনই মায়াজিৎ হওয়ার পরিবর্তে পরের দর্শনের সমস্যার চক্রে এসে যাও, যাতে 'কেন আর কি' এই প্রশ্নের জাল তৈরী হয়ে যায়, যা স্বয়ংই রচনা করে আর স্বয়ংই আটকে যাও, তাই নলেজফুল হয়ে স্বদর্শন চক্র ঘোরাতে থাকো, তখনই 'কেন বা কে' এই প্রশ্নের জাল থেকে মুক্ত হয়ে যোগযুক্ত, জীবনমুক্ত, চক্রবর্তী হয়ে বাবার সঙ্গে বিশ্বকল্যাণের সেবায় চক্র লাগাতে থাকবে । তোমরা বিশ্ব সেবাধারী, চক্রবর্তী রাজা হয়ে যাবে ।

শ্লোগান:- প্লেন বুদ্ধির দ্বারা প্ল্যানকে প্রত্যক্ষতায় নিয়ে এসো, তাতেই সফলতা নিহিত আছে ।*